

Broj: 03-04-838/26
Sarajevo, 15.06.2026. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 16-06-2026			
Org. jed.	Broj	Priloga	Vrijednost
05/1	-02-	236	126

PARLAMENT FEDERACIJE BOSNE I HERCEGOVINE ✓
Zastupnički dom

Predmet: Izjašnjenje Vlade Federacije Bosne i Hercegovine

Poštovani,

Sukladno članku 160. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08, 26/20 i 13/24), u pravitku akta dostavljam Vam Izjašnjenje Vlade Federacije Bosne i Hercegovine na Inicijativu za izmjene i dopune Zakona o zaštiti prirode Federacije Bosne i Hercegovine, koju je podnio Damir Nikšić, zastupnik u Zastupničkom domu Parlamenta Federacije Bosne i Hercegovine, a koje je Vlada Federacije Bosne i Hercegovine utvrdila na 70. sjednici, održanoj 15. lipnja 2026. godine.

S poštovanjem,



Privitak: kao u tekstu

C.O: FEDERALNO MINISTARSTVO OKOLIŠA I TURIZMA
n/p gđi Nasih Pozder, ministru

Na temelju članka 51. Poslovnika o radu Vlade Federacije Bosne i Hercegovine - Prečišćeni tekst - („Službene novine Federacije BiH“, br. 6/10, 37/10, 62/10, 39/20 i 67/21), a u svezi s člankom 160. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08, 26/20 i 13/24), nakon razmatranja Inicijative za izmjene i dopune Zakona o zaštiti prirode Federacije Bosne i Hercegovine, koju je podnio Damir Nikšić, zastupnik u Zastupničkom domu Parlamenta Federacije Bosne i Hercegovine, Vlada Federacije Bosne i Hercegovine je na prijedlog Federalnog ministarstva okoliša i turizma, na 70. sjednici održanoj 15. lipnja 2026. godine, utvrdila sljedeće

IZJAŠNJENJE

Zakon o zaštiti prirode („Službene novine Federacije BiH“, br. 66/13 i 10/25) (u daljem tekstu: Zakon), usvojen je 2013. godine, a njegove izmjene i dopune početkom 2025. godine. Istim se uređuju nadležnosti tijela koja vrše poslove zaštite prirode, opšte mjere očuvanja prirode, ocjena prihvatljivosti zahvata u prirodi, tipovi staništa i ekološki značajna područja, vrste i podvrste, zaštita divljih vrsta i njihovih staništa, zaštita ugroženih vrsta, zaštita divljih ptica, zaštita i očuvanje biodiverziteta, šumskih eko sistema, krških ekosistema, vode i vlažnih staništa, zaštita morskih i obalnih prirodnih vrijednosti, uspostava evropske ekološke mreže posebno zaštićenih područja - Natura 2000, mjere zaštite vrsta i podvrsta, prekogranični promet zaštićenim divljim vrstama i podvrstama, mjere zaštite minerala i fosila, sedre, zaštićene prirodne vrijednosti, naknada štete, podsticajne mjere, davanje prijedloga za koncesije na zaštićenim prirodnim vrijednostima i zaštićenim prirodnim objektima, planiranje i organizacija inventarizacija i monitoring, pristup informacijama i sudjelovanje javnosti, znak zaštite prirode, promocija odgoja i obrazovanja u zaštiti prirode, priznanja i nagrade za postignuća u zaštiti prirode, finansiranje zaštite prirode, inspekcijski nadzor, kaznene odredbe, prelazne i završne odredbe.

Zakon o zaštiti prirode sa izmjenama („Službene novine Federacije BiH“, br. 66/13 i 10/25) i propisi koji proizilaze iz istog su objavljeni na web stranici Federalnog ministarstva okoliša i turizma kako slijedi:

<https://fmoit.gov.ba/dokumenti/zakon-o-zastiti-prirode/>

Želimo naglasiti da su navedenim Zakonom o izmjenama i dopunama Zakona o zaštiti prirode početkom 2025. godine izmijenjene odredbe Zakona o zaštiti prirode iz 2013. godine, na koje se podnosi inicijativa, kako slijedi:

Poglavlje XVII. KAZNENE ODREDBE (čl. 232. do 237.)

U članu 75. Izmjena, odnosno u članu 232. Zakona iz 2013. godine, izvršene su izmjene st. 1. i 2. u smislu povećanja novčanih kazni. Također, članom 76. Izmjena izvršene su izmjene u odnosu na član 233. Zakona iz 2013. godine, članom 77. Izmjena u odnosu na član 234. Zakona iz 2013. godine, te članom 78. Izmjena u odnosu na član 235. Zakona.

Navedenim izmjenama implementacija Zakona pokazala je veoma dobre rezultate u praksi, budući da su novčane kazne za nepoštivanje odredbi Zakona povećane i za pojedine prekršaje iznose i do 70.000,00 KM.

Shodno svemu navedenom, a u kontekstu Inicijative za hitnu izmjenu Zakona iz 2013. godine, Federalno ministarstvo okoliša i turizma u svom Planu rada za 2026. godinu nije planiralo izradu Zakona o izmjenama i dopunama Zakona o zaštiti prirode, već je svoje aktivnosti usmjerilo na izradu drugih propisa, kao što je Zakon o klimatskim promjenama Federacije Bosne i Hercegovine.

V. broj: 302 /2026
15. lipnja 2026. godine
Sarajevo

